

جریدہ علیہ

مشيخت جليله اسلاميه نك جريدہ رسميه بيدر

ذی القعدہ سنہ ۱۳۴۰

عدد ۷۷، ۷۶

شمديلك آيدہ بر نشر اولنور

برنجی سنہ

— شریات مخصوصه —

دینی درس‌لر

دن

۴

[الملک] مالک معناسنه درکه (صاحب‌الملک) دیمکدر . ملک : برکیمسه‌نک علی وجه الاستقلال تحت تصرفده اولان شیئیه دینیر . ماده اصلیه باغلامق معناسنه در . ملک مالکنه باغلی اولدینی ایچون ملک تسمیه ایدیلشددر .

رب‌العالمینک بواسم ایله تسمیه‌سی جمیع موجوداتک و دنیا و آخرتک مالک و متصرفی اولدینی ایچیندر . مالک حقیقی اودر . هرشیده تصرف قدرتی آکا مخصوصدر . هرشی آنک ملکیدر . « قل‌الله مالک‌الملک توئی‌الملک من تشاء وتنزع‌الملک ممن تشاء وتعز من تشاء وتذل من تشاء بيدک‌الخیر انک علی کل‌شیء قدير » (دی که الهی ای ملکک صاحبی ! ملک ایسته‌دیکیکه ویررسک و ایسته‌دیکیکدن ملک قوپار آلیرسک و ایسته‌دیکیکه عزیز ایدرسک، ایسته‌دیکیکه ده ذلیل قیلارسک . خیر آنجق سنک‌آلنده در . سن هرشیته قادرسک . ایسته دین اسلام جناب حق مالکیتده ده بویله توحید ایلر .

[القدوس] عیوب و نقائصدن پاک دیمکدر . طهارت معناسنه اولان « قدس » دن مأخوذدر .

بعض علما بواسم السهینکده غیر عربی (سریانی) اولدیغنه قائل اولمشدر . سریانیلرک دعاالرنده « قدیس ، قدیس » دیدک‌ری واقع ایسه بومدعی ثابت اولمش اولور . بوصورتنده مصدر اولان قدس کله‌سی « قدوس » دن مأخوذ مصدر وصفی اولور . بشنجه بابدن استعمالی ده بویله اولدیغنه بر دلیل عد اولونا بیلیر . چونکه باب مذکور دن متصرف اولان مصدرلر اکثریتله مصدر وصفیدر .

[السلام] وصف اوله‌رقده مستعمل اولان مصدر صیغه‌لرننددر . آفادن سالم و بری معناسنه در . جناب حقک بواسم ایله ذکر ی ذات اجل واعلا سنک آفات و بلایا اصابت ایتک شاندن منزله اولماسنه مبنیدر .

یاخود آفرزدکاندن مریمت‌الهی‌سنه التجا ایلین متضرعینه سلامتبخش اولدینی ایچیندر . بوصورتنده معنای سلامتکار و خلاصکار دیمک اولور . احمد راسم عونی